



19. august 2022

UKA 2022/131

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Maannakkut angajoqqaajunissamut piginnaasanik misissuisarnerni Kalaallit angajoqqaajusut kulturikkut oqaatsitigullu allaaqutit ilumut naammaginartumik isiginiarneqartarnersut aammalu angajoqqaatut piginnaasanik nalilersuisarnermut kulturikkut qanimut periutsinik ineriartortitsisoqarsinnaaneranik periarfissaqarnersoq ersarissaasoqarnissaa anguniarlugu Naalakkersuisut Rigsmýndighed attaveqarfígissagaa pillugu Inatsisartut aalajangiiffigisassaattut siunnersuut.
(Inatsisartunut Ilaasortaqaq Anna Wangenheim, Demokraatit)

Tunngavilersuut

Qanga kukkussutigisimasat uteqqinnginniassammata oqaluttuarisaaneq ilinniarfiginissaa pingaaruteqarpoq. Tamanna aamma Kalaallit Nunaat Qallunaat Nunaallu atassuteqarneranut atuppoq. Inatsisitigut ataataqanngitsut, meeqqat misiliutaasut imaluunniit naartunaveersaasersuisimanertut ittunik ajorluinnartumik pisoqarsimasunik kinaluunniit tusagaqaqqikkusunnaviangilaq. Kisiannili soorlu Danmarkimi pisortaqaarfik tamanna ilikkarsimagunanngikkaa. Taamaattumik pingaaruteqarpoq pissutsit pitsaanngitsut qaffakaakkiartulersoq isigigutsigu kalaallit tungaaniit nillianissarput. Ajoraluartumik suliaq taamak ittoq maanna isigileruttorparput.

Qallunaat pisortaqaarfiiniit angajoqqaat kalaaliusunut angajoqqaajusinnaanermut pisinnaasatigut misissuinerit arlaliusut maanna soorunami pivakka.

Innuttaasut Kalaallit Danmarkimi aamma nunap innuttaasorai. Innuttaasut Kalaallit nutserisoqarnissaminnut pisinnaatitaaffeqarput aammalu kommuunit ikioqqullutik saaffigunikkut danskisut innuttaassusillit Danmarkimiittut assigalugit pisinnaatitaaffeqarput. Qaammatini kingullerni isigaagut kalaallit angajoqqaajusut aqqissuussaaniikkut immikkoortinneqarnermikkut tunngavissatigut amigartunik aallaaveqartumik meeqqaminnik arsaarinnissutigineqartut. Mentor Immanuel tamanut aammalu pisortaqaarfinnut eqqortunut sulianik saqqummiussisimavoq, danskit kommuuniini sulinerminni inuit pisinnaatitaaffii naliginnaaqqissaartut atornagit ingerlatsineri ersarissarneqarlutik.

Ilaqutariit meerartallit ilaat najortariaqannginnerinik isumaqataavunga, ilaallu ilaqutariittut ataasiusutut ikiorserneqarnissartik pisariaqartippaat. Isumaqatiginngilluinnarparali sullinneqarnerminni immikkoortinneqartut aammalu naqissuserneqarlutik ileqqorinngisaminnik ileqqoritinneqarnermikkut inuit pisinnaatitaaffiik sullinneqarnermikkut innarlerneqartut.

Ajoraluartumik nassuerutigisariaqarparput naqissusiisarneq ima annertutigimmat allaat kalaallit meerartaanik avissaartitsisarneq pisarmat, aqqissuussaaniikkut kalaallit erloqisinneqarlutik.

Paasisinnaanngilara sooq suleriuseq tamanna siornatigulli unitsinneqarsimannginnersoq pisumullu ajorluinnartumut Naalakkersuisut folketinngimilu ilaasortat kalaaliusut naammaginartumik suliamut iliuuseqarsimanngitsut isumaqarpunga. Tamanna tunngavigalugu Inatsisartut tungaaniit oqariartuut ersarissaq takutittariaqaleripput isumaqarpunga, Danmarkimi kalaaleqatigut inuit pisinnaatitaaffiik arsaarneqarsimasut isigiinnarsinnaanngilagut.



Taamatut oqaaseqarlunga Naalackersuisut akissutaat aammalu partiit sinneriniik oqaaseqaatissat qilanaaraakka.

Pisortanut aningaasatigut allaffissornikkullu kingunissai

Aningaasatigut allaffissornikkullu kingunissat annikinnerpaaffissaminiipput, ulluinnarni sulinermi Rigsmyndighed attaveqarfigineranut pisussaammat. Attaveqarnerup kingorna kingunissat danskit naalagaaffianniit isumagineqarumaarput.

Namminersorlutik inuussutissarsiuteqartunut aningaasatigut allaffissornikkullu kingunissai

Soqanngilaq

Innuttaasunut aningaasatigut allaffissornikkullu kingunissai

Soqanngilaq